

普安直隸廳志卷之十七

人物

孝義

明

盛全普安戍卒家貧克孝母病齋戒祈禱願以身代其後母病垂危全乃刳腹割肝和藥以進死而復甦母病旋愈事在弘治己酉年莆田林廷弼爲之歌邵元吉天性孝友博通經史應嘉靖庚子鄉試第一場畢聞行人私語曰重慶邵郡丞病郡丞者元吉父

普安廳志

卷十七

一

也元吉疾趨問語所由行人漫應曰得之傳聞未確元吉心動急入旅舍束裝倍道行同試士勸止之不聽抵重慶父已沒哀毀骨立匍匐扶櫬歸經播州遇虎同行者令暫避茅屋中元吉泣下不忍離父柩虎竟去人以爲孝感所致隣火延其廬元吉左手抱父木主右手擁母出再入取圖嘗曰有先人手澤在不可失也火亦旋息後應舉貢入都時仲弟元善謫通州郡丞元吉就通視弟不語不食時時泣數行下弟問故曰我思母卽欲歸不願仕也且有我奉母汝始

得安心於仕即棄牒歸母思子致病見之喜病遂愈
元吉以母多病善岐黃弟元善元哲元高先後登科
第悉元吉所教孫文恭應鯨爲作邵隱君傳

洪遇焚人事祖母孀母極孝雖奔走衣食而奉養必
求飽煖菽麥精者奉母粗者自給一蔬菜亦必先進
院道獎勵之

支美瓊諸生古貌古心操守嚴肅孝繼母友愛繼母
弟無戲言情行輒以道義勸勉鄉族不匿遺金萬厯
間督學凌瑄表其門曰喻義

普安廳志

卷十七

二

國朝

劉士榮農夫也事親孝母李氏病篤不能起士榮聞
股肉可療割以和藥家人弗知而母亦終弗愈母將
死囑士榮兄曰汝弟婚期將屆我死即乘喪歸其婦
士榮兄遵遺命取何氏女歸士榮曰守靈側不人內
過哀毀甫兩月創發旋卒其妻感夫孝行矢弗他適
家徒壁立處之淡如逾兩載以病亡

王浩霖幼有至性父早卒母汪氏高年多病浩霖晨
侍母起詢所欲往曰厨則負之厨曰庭戶則負之庭

戶夕復負歸室不以妻見代恐有蹉失也冬寒昏即先寢爲母溫被褥不以火恐有熱毒也家貧養不豐浩霖以爲戚乃應召爲刑房吏主稿事畢即歸侍黔吏倚差票爲利浩霖白官請勿簽已名不欲以不義財養親也日獲錢數百文悉以供甘旨費弗少留有異味躬自烹飪冀母之加餐也親亡誦報恩經祈冥福無寒暑旦暮遇暇輒誦整冠裾正立及年七十餘足弱不能立始坐誦子孫旁侍客至須誦畢然後起爲禮兄弟四人少析居二兄作霖貢生晚景艱難浩霖迎兄嫂就養已室作霖卞急使酒難近責言時至和顏順受不以爲忤每赴宴夜浩霖秉燭往迎悄立門外度散人請兄歸扶掖以行如事母時不以兄子及己子代也戚里構訟善辭排解浩霖熟往事引今証古詳述禍敗聞者多爲之罷訟

成皇帝登極

詔舉孝廉方正官紳以浩霖應而浩霖老矣行至筑垣憚道遠遂返方伯李失名贈三十金給匾旌之題曰孝篤天性

熊應祥事親孝爲諸生時家貧甚力役悉身任之授
徒劉官屯屯去城八里山徑險狹應祥至夕必歸省
未明起問安便身之物必位置妥貼已趨赴館戴星
出入崎嶇上下寒暑弗間怡然無倦色一日晨行於
甘水井上拾遺金一囊計二百兩坐待之俄一人跟
踰至望井而泣訊之則鬻產以償債者飲於井而失
之也驗其數相合偕至家命邀隣右作証畀還之失
者取十餘金作謝堅辭不受踰年食餼登拔萃科官
鎮遠縣訓導升銅仁府教授壽臻耄耋人以爲孝義
之報

李自英字凌雲早失怙事母至孝母蔣氏晚歲多疾
病醫藥飲膳躬親烹煎從不假手家人早晚索母衣
襪檢視蚤虱同治初賊踪徧地驚報時至遷徙無常
所自英以肩輿奉母避難身自扶掖崎嶇山箐中雖
甚危迫未嘗頃刻離左右也或呼輿不及則負母以
行上嶺下澗不以爲苦如是者歲且三四時蔣氏年
九十自英亦五十餘矣自英少失學操市賈業雜居
蠻夷間無師友勸勉無詩書啟發而又有妻孥婢僕

足以代役乃能承顏養志不憚煩勞不避穢惡殷殷侍養歷七十年如一日蓋天性篤至固未可以人地限也歲癸酉蔣氏壽百齡當道以壽母孝子並

奏請

旌得

旨俞允

賜坊額曰貞壽之門

吳君襄字調元秉性仁厚事親盡孝母氏董持家嚴謹君襄先意承志得其歡心普安無酷暑而冬多寒

普安廳志

卷十七

五

每夕溫枕褥取煖手滌溺器不以爲嫌母善病晨夜侍榻前天明母欲起負母下榻坐衣履纏束躬親服役自少至老積五十餘年未嘗少懈

華文義孝行純篤發於至性力耕養親五穀蔬菜熟必先奉父母方敢食至今鄉里訓子弟者每舉以爲法

駱金選家貧傭工養母出必告入必面歷久不渝娶妻劉氏亦化而行孝承顏不衰母病割股以進夫農夫而能盡孝致其妻亦化爲孝婦尤爲難得

馬家榮事繼母至孝繼母病割股和藥以療之
謝貴清事母高氏極孝母病割股和藥病立愈
印發國割股救父病立愈

楊浩樑父病割股作羹以進父旋愈其妻亦遵夫訓
克盡孝道

楊本元文生孝友性成家貧負米養親入學後教授
鄉里成就頗多子開榜亦孝行純篤世濟其美與孫
鑒修俱成明經賈學使題厚德延麻同知張瀚中題
仁里耆英以褒之

陸鴻儀文生事親孝家富樂善好施

吳鳳周同變負母避難賊至不肯舍遂遇害

袁興本事父克孝父沒興本服毒殉

杜發苑事親盡孝母病千里求藥不憚辛苦父當赴
防營發苑挺身代父臨陣捐軀

華三元事父孝父文光殉回賊之難三元誓報仇力
戰陣亡

華三錫父文煥殉回賊之難三錫結眾報仇奮不顧
身力竭死之

周永貞周開榮之子性孝賊臨境繼母胡氏有病不行永貞負母力走得免

高斯芾附生解元高發揚之子大坡舖同匪與高氏有郟咸豐八年十一月同匪千餘圍攻高氏斯芾偕父出走挺槍突圍既出而父尚在圍中復隻身返尋父力竭遂遇害

陸橋生家貧事父至孝甘旨之奉未嘗缺供任爲元歲貢生試童子輒冠軍食餼後授徒鄉里以孝友訓子弟屢薦不售遂棄舉子業薄游粵東娛情

普安廳志

卷十七

七

山水作爲詩歌父沒歸葬廬墓三年隱居松山不入城市生平尤遠於醫活人甚多謝以金帛皆不受

馮克齡事親孝母病篤割股和藥以療卽愈錢司馬壘表其門曰孝本至誠

符安邦僞生敦孝行母邁篤疾安邦割肉和羹以進遂愈同知俞渭贈額曰純孝性成同知吳宗蘭贈額曰誠感可風

黃煜文生孝友著聞鄉里稱之樂善好施廣行方便享年八十八歲

黃廷楠煜弟克盡孝友樂善好施時稱難兄難弟享年八十六歲

朱秉謙處士孝友仁慈鄉里稱之義

曹瑜好善樂施同知徐玉璋額其門曰善濟鄉鄰劉英國學生居平夷里樂善好施凡寺廟橋路諸善舉無不踴躍捐助嘉慶十九年大饑英竭力賑濟費穀二千石全活無算時餓莩載塗飢民藉索米爲名乘機肆掠里中富戶無得免者顧相戒不犯英家廳

牧徐司馬旌其門曰善濟鄉鄰

董奇蓉字太和武庠生廳之南里人嘉慶丁巳興郡苗變偕兄文庠生奇華招募團勇千餘人助官軍剿賊由黃草壩馬別橋進師屢挫賊鋒保加五品職銜李兆彩南里馬坡人嘗晚歸見道旁舊飯廠懸一布袱取視之白金三百張簿一冊知爲行商所遺坐待至夕次晨仍携至原處守之俄失主至詢數目悉合舉還之一無所取

孫起軒處士排難解紛廣行方便樂善好施

羅正笏字孔章歲貢生寒士也清介有守壬戌之變益窮困幾不能自存逆黨有欲相援引者正色堅拒時年七十餘子小元十一歲日偕往二十里外負煤自活往往踏地流血迄不悔窮且益堅

唐德耀字三光文生性和而謹處家庭鄉黨無違禮燕居無情容耄年不稍苟壽八十有九臨終整襟危坐神氣清定如平時

普安直隸廳志卷之十七

人物

宦蹟

明

蔣溱普安衛舉人成化間知雲南鶴慶府性廉介政
閒刑平民咸德之見鶴慶府及麗江府志循吏傳
司馬公謹普安衛舉人嘉靖十七年知雲南新化州
性廉正好士恤民遠夷信服邑人至今思之見新平
縣志循吏傳

普安廳志

卷十七

一

邵元哲普安衛人嘉靖乙丑進士萬曆間知淮安府
城東澗河通射陽湖入海爲輸灌咽喉久淤白上官
立濬之增築城西長隄堵黃河下流之決建閘壩以
通漕艘士民立像祀之

孫思述普安衛人萬曆丙子鄉試舉第一官四川新
繁縣慈祥莊雅無峻辭遠色吏民畏愛之嘗計禽大
盜屢決疑獄兩稅不違嚴限民自樂輸尋升雲南大
理府同知

邵以仁普安衛人萬曆庚辰進士任雲南兵備副使

寬簡持大體一時幾於刑措永昌立祠祀之見舊雲南通志名宦傳

邵華譜普安衛舉人萬厯間知雲南保山縣性嚴明撫字有術見永昌府志循吏傳

郁德據普安衛舉人萬厯間官浙江龍游縣摘發奸猾智在鈎距銛筒之上而出之寬仁轉判東昌府士民泣留遂以別駕仍攝縣符十載龍邱風和日暖前令南昌余杰鄒陽唐興俱有賢聲人以據媿美焉

周仕國普安衛人萬厯末年知雲南尋甸府事田賦

普安廳志

卷十七

二

向有飛灑弊迺立魚鱗冊丈畝悉注窮黎免累去日民立祠祀之見曲靖府循吏傳

劉洵龍普安衛舉人萬厯三十八年知雲南騰越州性嚴明善決獄爲奸人所妒去民恒懷之見永昌府循吏傳

柳之文普安衛人有勇略官守備嘉靖二十七年銅苗弗靖撫按檄之文領兵討之賊卒至眾驚潰之文仗劍曰彼獨非命何乃畏之敢有先逃者斬後賊大至手刃戰賊無援兵竟亡於陣未幾賊首龍許保就

禽鞠之賊曰石老虎大將軍不要錢柳守備不怕死
吾是以就禽耳撫按檄銅仁立祠祀之

國朝

沈弼字長垣由拔貢歷官部曹康熙中出守廣東高
州府時屢經兵燹地瘠民貧弼加意拊循治尙安靜
不求名譽以誠率屬和協文武禁副倖擅受訟牒除
地方供應陋規添防汛以靖盜源設行埠以便行旅
繼權化州清浮糧甦逋戶減糧額恤徭民實政嘖嘖
人口勞瘁卒官士民哀之請祀名宦

普安廳志

卷十七

三

任璿字次樞號龍溪乾隆戊申科舉人授廣東永安
縣知縣永安精華半在黃塘秋糧八百餘石向皆折
收民苦之璿慨然曰吾不忍以利已者病民也建官
倉於其地而納米焉歲大飢飛章請賑民賴以安箸
有五經經解排律指南鳳梧軒詩集行世

許函字肇歧歲貢生任婺川縣訓導授徒以德行為
先未幾解組歸婺人士念之爲立德教碑

附文職出仕

其由科目出身者已見選舉志不再錄

程輅舉人官雲南騰越州

常道立舉人官雲南大理府同知

二人科分失考選舉志不載首錄於此按選舉志有董立道官同知不詳省地或即一人俟考

陳浩官湖南糧道

方廷英監生官雲南廣南府知府

方綽廷英子官雲南昭通府通判

方綰官浙江杭州府經歷

張仕洪官江蘇糧儲道庫大使

方統廷英子候選府經歷

普安廳志

卷十七

四

鄧元英官江蘇泰興縣典史

任惠官山東嶧縣典史

何人龍官雲南候補典史

何允介候選刑部司獄司

任瑛官廣東長樂司巡檢

任璠官江蘇布政司庫大使

任琳官河南陳州府司獄兼經歷事

任鐘官江南蘇州府照磨

任爲金官廣東花縣水西司巡檢

任爲霖分發湖北試用

任爲藩官四川州吏目

朱德恩官雲南騰越廳司獄

附武職出仕

何燦斗官雲南永北鎮總兵

劉占鰲官黃平營遊擊

劉奇偉占鰲子官古州鎮遊擊

胡兆官興甯營都司

汪澤霖官安南營都司

普安廳志

卷十七

五

任晟字暉吉乾隆戊子科武舉官山東德州衛漕運
守備

易飛熊署普安營遊擊

歐陽榮琳官普安營千總署新城營守備

龍開榜官新城營守備

項秉智官普安營中軍守備

董懷經官普安營中軍守備

宋萬全官本廳把總

胡騰芳官把總

胡騰彪官普安營把總

張芳桂官普安縣把總

胡澤重官把總

顧天命官白沙汎把總

王秉元官亦資汎干總

顧聯魁官白沙汎把總

劉大魁官長堤營把總

歐陽定國官干總

張文豹官干總

普安廳志

卷十七

項德明官劉官汎把總

何大用官存城干總

項秉恭官存城外委

陳國璽官外委

蕭逢春官頂效把總

孫承忠官新城守備

於鍾瑤官新城把總

孫鴻鍾官新城把總

朱新友官龍場干總

左廷輔官巴林千總

胡芝芳官新城把總

郭彥彪官普安營把總

張德勝官新城外委

張順祥官新城外委

普安廳志

卷十七

七

普安直隸廳志卷之十七

人物

文學

明

史銓官教授苦志篤學老而不倦

沈存仁字樂山舉於鄉授江西瀘溪縣教諭萬厯丁丑成進士官戶部主事督理臨清鈔關晉戶部江西司郎中督饟冀遼擢江西袁州府知府生平博極羣書喜吟咏五七古直追蹤少陵著有臨清薊推儲錄

普安廳志

卷十七

一

作

南游詩集行世

蔣杰字美若萬厯乙丑進士以比部郎出守南雄風流文雅譽重當時後罷歸流寓荊州放情山水娛志琴書雖屢空晏如也詩文清麗書法效顏真卿體與董米黃稱四大家

國朝

范興榮字仲華嘉慶戊辰恩科舉人厯官湖北黃岡江夏等縣知縣陞武昌府同知罷歸後構積書樓藏書數百種文章自娛汲引後進著有環溪草堂文

集望餘文課行世啖影集尤膾炙人口

普安廳志

卷十七

二

晉安直隸廳志卷之十七

人物

隱逸

明

朱繪字素之成化丙午鄉舉不仕隱居養親訓諭鄉人士多及門者當道旌其門曰表正鄉閭

婁廣宋參知政事璣五代孫雅素好德耽嗜經史尤長於春秋善訓誥當貢推讓者三隱大林山輯景泰以下志稿

晉安廳志

卷十七

一

楊念祖萬厯丙子舉人淵懿博雅恬退不仕日彈琴賦詩自娛與兄承祖友愛均以壽終

孫守仁恬靜守正不妄接交年九十餘人稱無違先生

國朝續編

許德洪字溶川 恩貢生性和厚昆弟七人怡怡式好咸豐初

詔舉孝廉方正有司欲以溶川應辭不就書法顏歐能自出新意表學使 嘗激賞之

馮子俊字偉堂道光丙午舉人沉靜寡言屢主鳳山講席好激勵後進人有片長贊不絕口回逆之變辦理城防籌餉諸務布置妥善

劉作霖號喜亭才思敏捷而屢躋場屋性嚴厲學徒有不循禮法者無生童皆朴之多所成就嗜經術五經四子書均有訓詁藏於家遭亂失毀聞者惜之

謝家俊字月莊廳貢生精山韓學郡縣事辟致之好尚風雅工繪事嘗曰繪事韻事也亦清事也非胸中有萬卷書筆下無一點塵者終是匠氏伎倆耳刻意山水而所作多翎毛花卉酬畫債也生平慕游外郡鄉里轉少遺蹟寸楮流傳人咸重之

